

K-VI-6

Generosa Domine

1

Generosa Domine Lukashukova

Anna M.

GENIUS

Opuscula in his Miscellaneis sub III^e

contenta sunt?

1. Carmen gratulatorium in laudem Ing. Adol. ab Alb. Deoyen. Crac. 1630
2. Debitum pietatis Al. et Ex. Jac. Vitellio a Joach. Speronowic. Crac. 1638
3. Aurora natalium Ill. ac M. D. Adam. Hieron. Sieniański. Sub. Stan. Opatowski Crac. 1638
4. Hellanodice virtutis quam cum fide Ex. opera Joach. Speronowic. Crac. 1638.
5. Elisei Aurimontani ad Dantesianos bellum et arma circumspicientes Epit. 1638.
6. Vindicta p. Cornelio Tacito a Nicol. Honskowsky Convitiatoris. opposita Crac. 1638.
7. Arctos Sarmatica, quæ gener. Juv. ab Alb. Samborski monstrat. Crac. 1638.
8. Nubes Hippocratis Chæ. Doct. Viro Andr. Wolfowicz a Thom. Caneveni dic. Crac. 1638.
9. Icon virtutis et laboris immarichingonidæ Ven. ac Ex. D. a M. Tatowicz Crac. 1638.
10. Pietas enudita seu oratio de nexu piet. cum erudit. Joan. Alb. Paris. Crac. 1638.
11. Triana Episcopalis Ill. ac Ex. D. Andr. Zybicki. Ep. Luceon a Daniel. Otrebuz Crac. 1638.
12. Icon heroum virtutis Gen. ac Ill. Joan. Dehencki a Joan. Gynerski. Crac. 1639
13. Colofus immortalis Jer. ac Pol. Vlad. IV. a Bathas. Stan. Przyuski. Lublini. 1638.
14. Felix Luceonia in primo ac Solemni Andr. Zembicki. de. Balt. St. Przyuski. Lublini. 1639
15. Placatus in obitum Ill. ac Ex. D. Tecla in Olyra. Dujb. a Balt. Stan. Przyuski. Var. 1637.
16. Nania na smierci niezmiertelna J. Norzega Jaklin. kiega Krak. 1638 p. M. D. R.
17. Heroama pietis ad festu nuptiale de. a Joan. Gynerski.
18. Procebus causæ in iug. et perfidum Marcum Fiddam. Decretum. Cr. 1636.
19. Aureus Trionis Sarmatici tropos a Ludov. Christoph. Millerus Crac. 1638.
20. Minerva plaudens in Aula D. Jagiellonis ab Adamo Nowakowski. Cr. 1638.
21. Dona Granarum Ven. D. Marci Stan. Wolfowicz. p. Valenianu. Alinpek Cr. 1638.
22. Rosa prædatione 2 ziemie do nieba v. Kaz. pogri. Mikol. Lawinowicz. K. Kr. 1638.
23. Metamorphosis Apollinis et nove. Musat a Joan. Nicol. Gynerski. Crac. 1637
24. Urag. civis Ill. D. Stan. Lubomirski. de Joachim. Speronowicz. Crac. 1638.
25. Stephanion Mudi. Philosophici Ado. D. Sub. Stan. Opatowski. Crac. 1638.
26. Paterna felicitas cl. ac doct. Viro andr. Wolfowicz a Joan. Grynwaldt. Crac. 1638.
27. Gratulatio Ill. ac Ex. D. Stan. Grochowicki. Archiep. Leop. a Mathia Ghebocio Cr. 1635.
28. Echopadeia seu in uerna renou. Aud. acad. Oratio a Steph. Mirzaycki. Cr. 1638.
29. Gratia nuptiales cl. et Ex. D. Stan. Spinek. de. a Joan. Gynerski. Trebinicki.
30. In occursum Jer. Pol. inuict. Pina Vlad. IV. de. Acad. Camysse. volum. 1634. Petrus
31. Jappes volum. p. felici et exopt. inuictum Adami Opatowii a Joach. Speronowicz Cr. 1638.

Authores

- Alinpek Valen. an. 21.
 2. Animentang Elizeg. S.
 1. Anonymi. 16. 18.
 Caneveni Thomas 2.
 Gynerski Joann. 12. 17. 29.
 Deoyen Albert. 1.
 Tatowicz Nicol. 9.
 2. Ghebocio Mathias 27.
 1. Gynerski Nicolaus 23.
 Grynwaldt Joann. 26.
 Lawinowicz Mikolay Franci
 12. Jan. 22.

- Millerus Lud. Christoph. 19.
 Mirzaycki Steph. 28.
 Nowakowski Adamq. 20.
 Opatowski Stanislaus 25.
 Otrebuz Daniel 11.
 Paris Joann. Albert. 10.
 Przyuski Bathas. Stan. 13. 14. 15.
 Samborski Albert. 7.
 Nowikowski Nicol. 6.
 Speronowicz Joachim. 2. 4. 24. 21.
 Trebinicki Petrus. 30.

S O S P E S V O T V M,

Pro felici & exoptandâ inco-
lunitate

Perillustris & Adm. Rndi. Domini,

A D A M I O P A T O V I I,

S. Theol: Doct: & Professoris,

Ad S. A N N A M Decani: nomine bonorum A-
cademiæ Civium, cùm in numerum Canonicorum
Cracouiensium feliciter cooptaretur,
conceptum: &

A

M. I O A C H I M O S P E R O N O W I C,

Coll: Min: tunc Philosophicæ Facultatis Decano,
bono omine nuncupat um.

ANNO DOMINI, 1638. IV Id: Iulij.



C R A C O V I Æ,

Ex Officinâ Typographicâ Francisci Cæsarij.

In Stemina Perillustri Capituli Cracouienſi.



*Vna Corona ſacro Regum de vertice, fulget;
Terna nitet templis, ſancte Vauelle, Tuis
Vtq; magis rutilent auguſtis templa Coronis,
Auxiliare decus gemmea ſceptra petunt.
Quàm benè conſiſtunt gemini ſplendoris honores,
Hinc ſtatuas: ſceptris, terna Corona viget.*

AD PERILLVSTREM ET Adm.
Rndum Dominum

A D A M V M
O P A T O V I V M,
S. Theol: Doct: & Professore,
Canonicum Cracouiensem,



*V*spicatiſſimos dies toti Academia, illuxiſſe letamur,
Perilluſtr: & Adm. Rnde Dne; quibus in com-
muni, optimorum Ciuium, ob honorem virtuti
Tua collatum, letitiâ & congratulatione, mihi
quoq; vni Tuorum Clientum, facta eſt poteſtas, tū
de miſſe gratulandi, tum bono vota omine concipiendi,
ut poſt acceſſionem iſtam recentis honoris,
Perilluſtris & A. R. D. V. diutiſſimè, optimâ valetudinis firmitate,
benignitate diuinâ perfruatur. Quo premiſſo voto, Deoq; ſuppliciter
dicato; ad iuſtam letitiam, animos omnium noſtrū incitari conſirmo,
qui Tua dignitatis illuſtrem ſplendorem, maximi, vt par eſt, æſtimamus,
ac ſacroſanctè habemus. Latabamur, qui teſtes fuimus oculati, affectus
illius & amoris, quem Tua integritati, Perilluſtre & Venerabile Capitulu
Basilica Cracouiensis, in primo ad ſe aditu, declarauit admirandum. Cō-
plexus illi animorum ſanctiſſimi, ac officioſa congratulationes identidem
inſtituta, ſenſu tantū deſtitutos nihil mouerent, neq; animum ad la-
titiam prouocarent. Quid Ciuibus Academicis quā iuſta datur la-
tandi materies, cū perſpiciunt, vigere in hoc virtutis teatro, præmia
bonorum ampliſſima, parari ſuos honores literato labori, morum & e-
xemplorum ad viuum expreſſorum integritati, conuenientem præſtari
digni-

dignitatem & pretium; atq; istis modis, spem & animos iuniorum ad virtutes, & facta vite laudabilia, inflammari. Mihi verò unde iusta, aut letitia declaranda, aut gratitudinis & obsequiorum testificandorum occurrit causa & ratio? Equidem nulli unquam & maior & iustior, quam si agresti & ingrato premerem silentio, maximopere delinquerem. Commune ius est, attamen sanctissimum, quo non minus Praeceptores, quam Parentes, iubemur honorare, eorumq; aduersis affligi, letari prosperis. Quid si illi nos multum diuq; diuinis imbuerint mysterioris, quid si tanto omnia studio, fide, spiritu, claritate, contentione, egerint; ut opera sua neminem poeniteat? Hac ita sunt multorum communia, ut singuli pro illis simus aeternum obligati. Iam priuatim mihi tot praestita, possumne dissimulare beneficia? Tua me sapientia per Praeceptorem meum Colendissimum, cum externus adhuc Magister fuisset, ad Professionem Dialecticae Nonoduoarsciana, honestissimo stipendio euocauit. Non deerant, ut nunquam Dei gratia defuit, lectissima Academica ingenia, quae Spartam illam pro dignitate ornassent; mihi tamen Tua benignitas prospectum esse voluit, una cum optimo Praeceptore meo, quem ego fulcrum alterum, vtriusq; temporis, & rerum mearum, libens recognosco. Quid tot admonitiones paternae, tot cautiones, ut officium Scholae illius pro virili praestarem, tot animi hesitantis confirmationes, tot redia in emendando, si quid concepissem, à Tua dignitate exhausta? quid, inquam, haec erant aliud, quam perpetua in me summi & veri patrocini documenta? In petitione Minoris Collegij diutius fortasse mansissem candidatus, nisi Tuis sanctissimis vocibus, publice commendatior extitissem. Aduersa quandoq; (ut sunt res humana) impotentius in me detonanti procella, dubio procul succubissem, nisi Tuis saluberrimis recreatus adhortationibus, animos resumpsissem. Hac sunt, imò sunt multo plura alia, quae me fidelem Mecanati meo clientem reddiderunt, haec nunc suaserunt, ut isto voto meo Sospite Perillustrem & A. R. D. V. diu felitem & Sospitem cupiam perennare. Diuinam exoro bonitatem, ut quantum Tua vita est rebus Academicis necessaria, tantum illa Tibi annorum & firmitatis dignetur impertiri.

Perillustri & Adm. R. D. V. Clienti addictiss.

M. Ioach. Speronowic, Coll. Min.

SOSPES VOTVM.

QVò me citatis candida gressibus,
Quò mens amœno corripis impetu?
Perpende splendorem Camænis,
Non triuialibus occinendum.

Sentiscanore conscia gloriæ
Qua laude gessit, carmine quo coli?
Montis Vauei lux decora,
Lux patrio veneranda Soli.

Quam tot sequuntur lumina sæculi,
Tot sanctiorum germina palmitum,
Quos arma, quos claræ probârunt,
Palladis ac pietatis artes.

Ergò timendum ne Phæthonticis
Formidolosas casibus orbitas
Ausu recenti postulemus
Nænia quo recidat vetusta.

Sed non timendum; fabula non erit
Qui vera promit; pertenui licet
Serpat susurro; sic fluentis
Riuus aquæ pelagus refingit.

Augusta Diui pignora Præsulis,
Quem veritatis gloria splendida
Prouexit æternum canendis
Martyrij patrij theatris.

Quàm clara vestris fulget honoribus,
Regnatque virtus & pietas chori
 Selectioris de popello
 Principis arbitrio superni.
Florete longis inclyta sæculis,
Quo maior vni summus honor Deo
 Trinoq; solvatur nec atris
 Obstrepat hostis atrox procellis.
Cedat timendis prædo nefarius
Stratus sagittis, prodigialium
 Sanguis Draconum, trux Ceraſtes,
 Hinc fugiat, Phlegethonte regnet.
Assurge felix Præsuleæ Domus
Stirps, ô beatis nata Penatibus
 Præclara Diuorum propago
 Sydereis opulenta votis.
Assurge, & altis consociabilem
Coniunge Patrem consilij, diu
 Quem clara factorum beatis;
 Accumulant documenta votis.
Accessiones accipe tempore
Longo paratas, nec metuas dolos,
 Æquauit hæc veros honores
 Tot scopulis agitata virtus.
Præstans honoris gloria clariùs
Attollitur, cùm tempora laureis
 Reuincta florent optimorum,
 Quos labor & pietas probârunt.

Maturita-

Maturitatis candidioribus
Natae sub horis, hinc folium graue
 Resplendet, haud nutans in horas,
 Nec trepidis agitur umbris.
Hinc implet altis pectora gaudijs,
Cum luminosis claret adoreis,
 Exempla pro tota relinquens,
Posteritate beatiora.
Non sic sereno Cynthiae aethere
Profundit imo diuitias solo,
 Quam fructuoso nata virtus
 Pectore, spargit opes amicas,
Quas non Tagus, non India proferet
Maurusve toto corpore decolor,
 Conatibus magnis parantur
 Sancta animi monumenta sancti.
Est mater illis promere doctior,
Ausus recentes, cordis & intima
 Proferre, non iactare gnara,
 Syderei pietas decoris.
Felicior quam turba Quiritium
Gaudet minorum, callibus arduis,
 Cum matre thesauros legendo,
 Non trepido recreare passu.
Quoquo beatum flectit iter parens,
Huc cauta ocellos progenies rapit,
 Intenta, quos alitrix Olympi
 Fortior vrget ouans recessus.

Sic sic amicis gressibus it cohors
Ter sancta, gemmant vndique ditia
 Progressionis luculentæ
 Munera, quæ Dominam loquuntur.
Pertransit orbem commemorabili
Præstans bonorum congerie: ducis
 Exempla Phœbi more spargens
 Cum superas graditur per arces.
O mater almo germine splendida,
O germen alto semper amabile
 Cæli Monarchæ, qui vigere
 Te faciat patrijs Athenis.
At iam sereni conscia luminis,
Regina sanctis promeritis potens,
 Post mille victrices coronas
 Assidet, ambit honor sedentem.
Præstò phalanges ætherei Chori,
Sunt hinc & illinc, relligio, fides,
 Iustumq; candori propinquum,
 Gratia, spes, animi leuamen.
Lux charitatis, claraque veritas,
Splendor modestus, gemmea puritas,
 Et castitas formosa, cæli
 Quæ aligeros hilarat sodales.
Solers honesti cautio, comitas
Humana virtus, integritas soror
 Prudentiæ, & tranquillitatis
 Sunt grauitas, probitasque præstò.

Connexa


Connexa caro simplicitas chorò,
Clementiæ & dos inuiolabilis,
 Rectique cultus non supinus,
 Fasq; pium placidi nitoris.
Sunt mille pulchris ordinibus pares
Iunctæ sorores, his pietas sacra,
 Regina cunctis nuncupatur,
 Agmina tot famulantur vni.
De patre quaris? mascula prodidit
Vis mentis alium germen, & extulit,
 Doctoris hi fructus ADAMI:
 Pectore non citharis colendi.
Laboriosi Doctor amabilis,
Murus Lycæi, & præsidium potens,
 Tutela, spes, portus bonorum,
 Iustitiæ, ac probitatis altor,
Mens grata Diuis, grataq; litteris,
Iucunda toti Craciadum solo,
 Manfueta, prudens, culta, florens,
 Dotibus, eximijs decora.
Perpeffa duri prælia temporis,
Non cessit atris fulminibus potens,
 Certabat inuictis trophæis
 Pro patria: pietas amanda!
Deprome mater docta Academia,
Tantos labores; adijce si potes
 Curas edaces, quæ fatigant,
 Sæpè graues pierate Ciues.


Aduersa quando vis animis bonis
Insultat, acres & stimulos, malo
 Substernit ausu, quàm tenaces
 Discutit hæc pietas furores!
Non vana grato hoc corpore sanctitas,
Vultum modestis tinxit adoreis,
 Vt quanta mentis sint amandæ
 Robora, percipias amice.
Quàm voce polles, dic age C R A C I A,
Deprome, quantis crescere te facit,
 Hic Doct̃or, exemplis honesti,
 Moribus, & probitate vitæ.
Quem non profani gloria carminis,
Circumsonantis vel Citharæ melos,
 Pro dignitate extollat vnquam,
 Diuitijs animi decorum.
Quem sancta Diui gratia Pneumatis,
Illustrat, ornat, confouet, excitat,
 Confirmat, inflammat, tuetur,
 Lætificat, renouans amænât.
Firmauit almo hoc pectore, nescia
Prolapsionis mens bona flebilis,
 Fibras reuelli non paratas,
 Cedere nec faciles periclis.
Cùm fraudulentis artibus, impios
Debellat hostes, strageque conficit,
 Nec parcit imbelli senectæ,
 Quin faciat facienda Doct̃or.


Sol est Theatri, quo pia panditur
Summi voluntas Principis, & sacra
 Myfteriorum tot figuræ,
 Tot fidei documenta noſtræ.
Nam luce clarâ, dogmatis ardui,
Noctem refellit cum tenebris nigram,
 Suprema latè dona ſpargens
 Mentis opes pretio beatas.
Quid, cùm perennis myſtica gloriæ,
Depromit imo pectore gaudia?
 Qui mentis ausus excitantur!
 Qui intima depopulantur ignes
Æterna clari præmia luminis,
Ac ſi probâſſet, ſic reſerat ſono
 Diuiniore; quo ſuperni
 Corripiunt animos reſeſſus.
Quantus, verendi cùm pia Numinis,
Siticuloſis inſonat auribus,
 Præcepta? compunctus viator,
 Corda ferit meliora ſperans.
Miro redundat ſumme copię,
Lingua diſertum Chryſologum voces
 Chryſoſtomum, Hieronymum
 Gregorium, Dionyſiumque
Vel quem colendum de numero Patrum,
Quos Sponſa Chriſti vertice ſplendidis
 Eccleſia, ornauit Coronis:
 Præmia promeritis rependens.

Hinc

Hinc fæda tetro crimina pectore,
Depellit acer; quosque adamantinis
Affinxit errores catenis
Mundus iners, animis reuellit.
Cælo virentis peruigil hortuli
Cultor; quot horas, tempora quot locat,
Ut pulcher efflorescat altis,
Germinibus violis rosisque.
Cætum innocentem temperat arbiter
Prudens pauentem, consilio, & fide,
Pulchrasque connectens corollas,
Hinc legit, & tibi Christe promit.
Æterne Princeps Sponseque virginum,
Sponsas corusco lumine candidas,
Hic Phæbus æternat Tuisque
Sydereis thalamis adoptat.
O Phæbe noster, gloria Ciuium,
Doctor Tuorum gloria Academia,
Te, Numen æternum precamur.
Sospitet innumeris diebus.
Serua colendam canitiem Pater,
Orante serua Matre Tuos dies,
In vota sis pronus Clientum,
Viue diu decus ô serenum.








R. 3



848864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

